

Rekapitulason di Rekomendason pa admisson

Durason i kandidatus ilejiveis

- Suspenson di pulitika atual pa **un ano**
 - Distrito ta volta pa pulitika atual dipos di prusesu di skodja di skola pa es ano
- **Tudu residentis di Boston** ki aktualmenti sta na 6^a, 8^a (isetu alunos na skolas ku izames di admisson) ô 9^a serie, i ki ta kunpri kritérios di elejibilidadi, independentimenti di tipo di skola
 - Media minimu di B na ELA i matematika pa periudo di notas na otunu i invernu di ano pasadu (entre setenbru di 2019 i janeru di 2020); **Ô** ki resebi un nota di "meet expectation" ô más altu na MCAS di ELA i Matematika di 2019. **Alunos ka mesti kunpri tudu dós rekizitus.**
 - Verifikason di distritu eskolar (ô equivalente) di ki aluno sta ta dizenpenha na nível di se serie ku base na padrons di kurríkulu di Massachusetts.

Vizon jeral di prusesu di konviti

- **Distribui konvitis** pa alunos basiadu na kritério di admisson di boletin di notas anterior i mekanismo di kovinti di kodigo postal.
 - 20% di vagas na kada skola ku izames di admisson é reservadu pa midjoris alunos di sidadi ku base na ses GPA.
 - Kes konvites ki subija ta ser distribuidu uzandu un kombinason di GPA i kodigo postal di undi aluno ta mora.

Prusesu di konviti -20% di vagas

- **20% di vagas na kada skola ku izames di admisson ta ser prienxidu uzandu apenas notas di GPA**, asin nu ta koloka kes midjoris alunos di sidadi interu.
 - Orden di kolokason ta ser basiadu pa klasifikason di GPA, i aluno ki ten nota media más altu ta ser kolokadu primero.
 - Si dós ô más alunos ten mesmo nota media, un numero aleatório ta ser uzadu pa determina ki aluno ta ser kolokadu primero.
 - alunos ta ser konsideradu somenti pa skola ki es klasifika komu ses primero skodja. Si un aluno ka konsigui un vaga na es prusesu, el ta ser parte di sigundu prusesu.
 - Alunos ki sta bai pa sigundu parte di prusesu ten otu oportunitadi di ser kolokado na ses skola di primero skodja i provavelmenti es ta konsigui un vaga, visto ki es sta entri kes más altu di distrito.

Prusesu di konviti -80% di vagas

- Kes **80% di konvitis ki resta** ta ser **distribuidu baseadu na un kombinason di kodigo postal i GPA.**
 - Kada kodigo postal ta ser atribuidu a un numero di vagas dispuníveis na skolas ku izames di admisson ku base na proporsion di alunos ku idade di bai skola ki ta vive na kel kodigo postal.
 - 10% di vagas dispuniveis dentu di kada kodigo postal ta ser distribuidu atraves di 10 rondas di kolokason.
 - Alunos ta ser kolokadu na un grupo di kandidatus ki ta vive na mesmo kodigo postal klasifikadu pa ses GPA.
 - Kodigos postais ta ser ordenadu pa *rendimentu familiar médio más baxu (ku kriansas ku menos di 18 anos) pa rendimentu familiar médio más altu (ku kriansas ku menos di 18 anos)*, di akordu ku Peskiza American Community. Alunos na kodigo postal ku rendimentu familiar médio más baxu (ku kriansas ku menos di 18 anos) ta ser kolokadu primero, siguidu pa alunos na proximo kodigo postal.
 - Si vaga na primero skodja di aluno ka sta dispunível oras ki é ses bez pa ser designadu, nton aluno ta ser atribuídu un vaga na ses sigundu ô terseru skodja. Si dós ô más alunos na mesmo kodigo postal ten mesmo nota media, un numero aleatório ta ser uzadu pa determina kenha ki ta ser kolokadu primero.

AVIZU: Rekomendason inisial uza rendimentu familiar médio. Distrito sta rekomenda un mudansa na rendimentu médio familiar ku kriansas ku menos di 18 anos.

Modifikason di rendimentu médio

- Rekomendason ta refleti un mudansa di rendimentu familiar médio pa rendimentu di familia médio (ku kriansas ku menos di 18 anos)
 - Rendimentu familiar médio ta refleti tudu famílias dentu di un kódigo postal.
 - Peskiza American Community ta difini un famíia komu dós ô más individuos ki djunta pa sangui, casamentu ô adotadu. Rendimentu médio familiar ku kriansas ku menos di 18 anos ta inklui somenti famílias ku fidjus ku idadi di bai skola dentu di un kodigo postal.

Pruvizon Spesial:

Alunos sen lugares pa mora i kes na kuidadu di DCF

- **Alunos ki sta dizalojados gosi ô ki sta na kuidadu di DCF fora di Boston,**ta ser kolokadu na un "kodigo postal" separadu, 99999.
 - Es kodigo postal ta ser konsideradu komu kodigo postal ku rendimentu médio familiar más baxu (ku kriansas ku menos di 18 anos) i alunos di kel kodigo postal li ta ser designadu primero.
 - Orden di kolokason di alunos ta ser basiadu pa klasifikason di GPA, i aluno ki ten nota media más altu ta ser kolokadu primero.
 - Si dós ô más alunos ten mesmo nota media, un numero aleatório ta ser uzadu pa determina ki alunos ki ta ser kolokadu primero.
 - Alunos ki ka ta frequenta un skola di BPS ta ser konfirmadu atraves di prusesu di verifikason padron di BPS pa skolas ku izames di admisson.

Votason Prupodu - Rekomendason Adisionais

- Furnesi apoio adekuado – antes i duranti ano letivo – pa alunos ki admitidu pa ano letivo 21-22 ki, nbora es sta preparadu akademikamenti pa konteúdo di skolas ku izames di admisson, es pode mesti di más tenpu pa es abitua ku ritmo di studu di skolas ku izames di admisson.
- Spandi inisiativa di Skolas ku Izames di Admisson (ESI, pa ses siglas na inglês), komesandu logu na 4^a serie ti otubru di ano letivo di 6^o serie, ku foku na aselerason akademika na ELA i matemática
- Garanti finansiamentu adisional apropiadu nesisário pa apoia aluno i ESI konformi diskritu diriba.
- Kontinua konvokason di grupo di trabadju pa konsedja sobre sforsus permanentes pa spandi grupo di kandidatos, konsiderandu uzu di novu teste NWEA i otus fatores, ku base na kuze ki pode ser apren didu ku aplikason di rekomendason pa admisson di es ano i kuze ki grupo di trabadju apren di na revizon di prátikas di otus distritus.
- Altera pulítika atual pa removi “[non-traditional entry](#)” (aprovadu na 16 di dizenbru di 1992) i “[deferment of acceptance](#)” (aprovadu dia 16 di setenbru di 1992) provisons.